



В.И.Пацаев атындағы №2 Алға орта мектебі
Мектепалды «Ә» сыныбының
Сыныптан тыс іс-шаралар жоспары 2023-2024 оқу жылы

№	Іс-шаралар тақырыптары	Жауапты	Мерзімі
1	Берекелі алтын күз	Сулейменова А.Е.	Қазан
2	Тәуелсіз елім – Қазақстан	Сулейменова А.Е.	Желтоқсан
3	Қош келдің,Жаңа жыл!	Сулейменова А.Е.	Желтоқсан
4	Аяулы Анашым	Сулейменова А.Е.	Наурыз
5	Армысың,Өз Наурыз!	Сулейменова А.Е.	Наурыз
6	Бейбіт ел - бақытты бала!	Сулейменова А.Е.	Мамыр
7	Жеңіс күні	Сулейменова А.Е.	Мамыр
8	Қош бол,даярлық!	Сулейменова А.Е.	Мамыр

Тақырыбы: Берекелі алтын күз .

Мақсаты: Күз мезгілінің ерекшелігін ұғындыру.

Күзгі өнімдермен таныстыру олардың ағзаға пайдасын түсіндіру. Шығармашылық ой қиялдарының дамуына қарым-қатынас қалыптастыру.

Келді міне алтын күз, сары шашты жарқын күз.

Мол өнімді ісімен. Таңдандырып халқын күз.

Бүгінгі берекеліде ырысты алтын күз құрметіне арналған

Мерекелік ертеңгілігімізді бастаймыз.

Ендеше балалар барлығымыз көзді жұмып, күзді елестетейікші.

Тыныштық сәті: Күз мезгілі. Дала салқын. Таза ауа. Айналаға қарасаң, ағаштардың жапырақтары сап-сары болып жерге төгіліп жатыр. Бір кезде аспан бұлттанып жаңбыр сіркірей бастайды. Ал балалар көзімізді ашайық. Қанша күз суық болса да, әр мезгілдің бір жылылық кереметі, ерекшелігі болады.

Хор:

Алтын, сары, қызыл, көк

Алуан–алуан жапырақ.

Күзгі бақта күлімдеп

Көз тартады атырап.

Ой алақай тамаша

Шашу шашты жапырақ.

Қазір жылдың қай мезгілі? **(Күз)**

Күзде көкеністермен жемістерді неге жинап аламыз? **(Піскеннен кейін жинап аламыз)**

Күз мезгілінен соң қай мезгіл келеді? **(Қыс)**

Ал енді балалар күзге байланысты тақпақтарды айтайық.

Амина:

Берекесін сыйлауға

Өлкемізге күз келді.

Жемістерін жинауға,

Шақырады біздерді.

Айқарагөз:

Көк майсалы көрікті

Алқаптағы көк егін

Бұл күндері киіпті

Сары жібек көйлегін.

Нұрбол:

Жер берді жемісті

Күз келді келісті

Күз - байлық береке

Алтын күз - мереке.

Омар:

Күзім-ау, күзім-ау

Мінезің бұзық-ау

Жаңбырың сіркіреп

Келгенің қызық-ау.

Лунара:

Сап-сары маңай

Сап-сары тоғай

Күзгі әнін айтып

Құс кетіп қайтып.

Ақкенже:

Сары ала тонын жамылған

Күз атамыз секілді

Қойны толы дәмді нан
Тәттісі көп әр түрлі.

Бауыржан:

Мен өрікпін өрікпін
Бау бақшаға көрікпін.

Айзере:

Қуандырып біздерді
Мерекелі күз келді.

Кел жемісті алтын күз

Кемелденсін халқымыз.

Сол кезде саңырауқұлақ келеді.

- Сәлеметсіздерме балалар мен сіздерді құтықтауға келдім.

Алтын күз әсем айналам

Еліне береке сыйлаған

Саңырауқұлақ: Алтын күз қайда?

Мен мұндамын. Сәлеметсіздерме!

Береке бақыт дамыған

Жомарт көңіл жарқын күз

Сары алтынға малынған

Алтын күз деген мен болам.

Мен сендерге көп ойыншықтар алып келдім.

Ал енді балалар күзге байланысты жұмбақтар жасырамыз.

Сендер шешіндер.

Жиып- теріп болатын

Қанбаға астық толатын

Қызыл қырман ойнайтын

Қай мезгілде болатын? **(Күз)**

Ағайынды бәрі

Шықса жасыл түссе сары. **(Жапырақ)**

Гүлдейді құлаққа

Оны ешкім көрмейді. **(Жел)**

Жабағыны ұшырдым

Жерге моншақ түсірдім. **(Жаңбыр)**

Аспай піскен

Қайнамай түскен. **(Жеміс)**

Бақшада піседі

Көп өнім береді. **(Көкөніс)**

Сергіту сәті:

Жел тұрды

Аспан бұлттанды

Жаңбыр жауды

Күн шықты

Жер басылды.

Тәрбиеші: Ал балалар біз бүгін қонақтарға үйшік ертегісін сақналап берейік.

«Үйшік» ертегісін сахналайды.

Ой керемет балалар, сендер ертегіні жақсы сахналадыңдар.

Мен сендерге дәмін тап ойынын ойнатқым келіп тұр.

Ойынды ойнайды.

Енді балалардың өнеріне кезек берейік.

Би: Қолшатыр

Ән: Топ-топ балақан

Осымен **Берекелі алтын күз**. мерекесі аяқталды. Алтындай уақыттарыңызды бөліп келгендеріңіз үшін балалардың, ұжымның атынан алғысымызды білдіреміз.

Келесі кездескенше сау болыңыздар.

16 желтоқсан Қазақстан Республикасының Тәуелсіздік күніне арналған «Тәуелсіз елім - Қазақстан» атты ертеңгілік

Мақсаты:

1) Балаларға тәуелсіз мемлекет туралы түсінік беру балалардың Отанға деген сүйспеншіліктерін арттыру. Қазақстан Республикасының мемлекеттік рәміздері: Елтаңба, ту, әнұран туралы білімдерін қалыптастыру. Отан туралы тақпақ. Мақал-мәтелді жатқа айтуға үйрету. Патриоттық сезімге баулу.

2) Балалардың тіл байлығын ой-өрісін, сөзді байланыстырып сөйлеу қабілетін дамыту.

3) Елімізді, жерімізді қадірлеуге, сүюге тәрбиелеу.

Тәрбиеші: Сәлеметсіздер ме құрметті қонақтар!

«Тәуелсіз елім - Қазақстан» атты ертеңгілігімізге қош келдіңіздер!

Барша халық таныған,

Біздің үміт тілекті.

Шырқалғанда әнұран,

Шаттық кернер жүректі.

- Әнұранды орындау.

Тәрбиеші: Балалар, біздің Отанымыз қалай аталады?

Балалар: Қазақстан республикасы.

Жүргізуші: Қазақстан қандай мемлекет?

Балалар: Қазақстан тәуелсіз, егеменді мемлекет.

Жүргізуші: Балалар, бүгін міне осы Тәуелсіздік мерекесі күні. Еліміздің тұңғыш елбасы кім?

Балалар: Нұрсұлтан Әбішұлы Назарбаев.

Жүргізуші: Еліміздің елордасы қай қала?

Балалар: Астана.

Жақсы балалар.

Қазақстан Жоғары кеңесі 1991 жылы 16 желтоқсанда Қазақстанды тәуелсіз мемлекет деп жариялады. Бұл күн — Қазақстан тарихында «Тәуелсіз Қазақстан Республикасының туған күні» деп алтын әріптермен жазылды. Бұл республиканың барлық халықтары үшін маңызды тарихи оқиға болды.

Тәрбиеші: Мұз жастанып азаматтық жолында,

Тәуелсіздік туы тұрды қолында.

Жеңіп шықты, бас имеді, қасарып

Сойыл таяқ ойнаса да жолында

Желтоқсан-ау, ұмтылмайсың жүректе

Ұрпақ өсер айналатын тірекке

Егемендік тиді міне еншіме

Желтоқсаным, жеткіздің ақ тілекке.

Біздің Отанымыз Қазақстан - тәуелсіз, егеменді мемлекет.

Тәуелсіздік үшін қаншама азаматтарымыз, ардақты ағаларымыз, ақылды жастарымыз ғұмырларын күреске арнап Тәуелсіздік жолында құрбан болған Ләззат, Сабира, Ербол, Қайрат есімді азаматтарымыздың рухына бас иіп орнымыздан тұрып 1 минут еске алайық!

Олардың аңсаған армандарымен үміт тілектері бұл күнде толық жүзеге асты. Қазақ елі тәуелсіздігін алды. Туымыз асқақтап желбіреп тұр.

Тәрбиеші: Бақытым Республикам Қазақстан

Көгінде ақ көгершін, қаздар ұшқан

Соған жетпес құшағы әлемнің де

Қыс болса бір шетінде жаз ауысқан.

Отан туралы тақпақтарымызды айтайық.

Айқарагөз

Отанның қасиетті тілін сүйем,

Отанның қасиетті күнін сүйем.

Отан, Отан, Отан!

Бәрінен де биік екен!

Мен оны мәңгілікке сүйіп өтем.

Амина

Бейбіт таңдар арайлап атады,
Туған жерді аймалайды шапағы.
Байтақ елім-ұлы Қазақстаным!
Ең бақытты балалардың Отаны.

Лунара

Қазақстан - азат елім,
Таңғажайып туған жерім.
Тек сен үшін мақтанамын,
Қазақстан – елім менің.
Астана арман қала,
Бағы бір жанған қала
Тұрасың жап-жас болып,
Мен үлкен болғанда да

Айзере

Көгінде күн нұрын төккен,
Жерінде гүл жұпар сепкен.
Неткен сұлу, неткен көркем!
Осы менің туған өлкем!

Ақкенже

Отан деген – атамекен
Отан деген – туған жер.
Отан – ана, Отан – үлкен.
Қазақстан – туған ел

Тәрбиеші: Отан оттанда ыстық дегендей, Отан үшін жанын берген аға – әпкелерімізге арнап топ
ұлдарының орындауында «**Алға Қазағым**» биін қабыл алыңыздар!

Би «Алға Қазағым»

Тәрбиеші: Рәміздерім елдігімнің белгісі

Білу керек баладағы ең кіші

Әнұран, Ту, Елтаң ба

Рәміздерді жатқа білсін әр кісі.

- Балалар рәміздерімізді кім атап береді?

Дұрыс айтасындар балалар? Ортаға рәміздер туралы тақпақтарын айтуға Рамазан. Нұржігіт.Зерде
келе қойыңдар.

Нұрбол

Елтаңбасы елімнің,
Неткен әйбат әдемі.
Тұнығындай көңілдің,
Ортада аспан әлемі.

Омар.

Құт береке шаңырақ,
Орын алған ол төрден.
Қанатты қос арғымақ,
Екі жақтан көмкерген.

Бауыржан.

Тәуелсіздік жолында,
Талай-талай тер тамған.
Билігім өз қолымда,
Еркіндігім - Елтаңбам

Ибрахим

Мерекеге шығады,
Бүкіл халық біліп қой,
Отандастар ұғады,
Тәуелсіздік ұлы той.

Айханша

Алтын дәнді даласы бар,
Ақ күмістей қаласы бар.
Неткен сұлу, неткен көркем!
Осы менің туған өлкем!

Гүлсезім

Көк аспандай тулайтын,
Желтоқсанның күні бұл.
Елім деген ұлдардың,
Елжірейтін күні бұл.

Алинұр

Өзімдікі туымда,
От пен ауа суымда.
Жаса Қазақстаным,

Белді бекем буында! Әнші қызымыз Айқарагөздің орындауында «Бала тілегі» әнін қабыл алыңыздар.

Балалар тәуелсіздік туралы тақпақтарын айтады,

Ербатыр

Бақыт құсы қонды ғой,
Менің туған жеріме.
Тіліміз бен дініміз,
Қайта келді еліме.

Аяна

Тәуелсіздік туымыз,
Тәуелсіздік сырымыз.
Арналады тек саған,
Ән менен күй жырымыз.

Аяжан

Аялап ару ананы
Өсірген еркін баланы
Бесігін бөлеп тербеткен
Отаным Қазақстаным

Хадия

Отан менің ата-анам,
Отан досым,бауырым.
Отан өлкем,астанам,
Отан туған ауылым.

Сумая

Ер еңбегі шалқып тасқан,
Ел өркендеп бақыт тапқан.
Неткен сұлу, неткен көркем!
Осы менің туған өлкем!

Тәрбиеші:

Қазақстан – атамекен, құт қонған жер,
Кең дала, суы мөлдір, нұр тұнған жер
Көкорай белестері мақпал кілем
Қырлары қызғалдағы құлпырған жер.
Атамекен әні топ балаларының орындауында қабыл алыңыздар.

Тәрбиеші: Міне, балалар, бүгінгі таңда Қазақстан тәуелсіз мемлекет. Біздің өзіміздің туымыз, елтаңбамыз, әнұранымыз бар. Егеменді Қазақстан мемлекетіміз. Сендер Отанымыздың ұрпақтарысыңдар. Жақсы оқып,үлгілі, тәртіпті болыңдар. Өз елің мен жеріңді көркейтіп, қазақстанның намысын қорғайтын келешек ұрпақтың ақылшысы, тірегі сендер болмақсыңдар.

Тәрбиеші: Құрметті қонақтар,Тәуелсіздік мерекесі құтты болсын, еліміз–аман, жұртымыз тыныш болсын, еліміздің мықты азаматы болыңдар балалар. **«Тәуелсіз елім - Қазақстан»** атты ертеңгілігімізді тамашалағандарыңызға рахмет!





«Қош келдің , жаңа жыл!»

Балалардың шығуы

Балалар көңілді әуенмен ортаға шығады.

Көңілді би

Нұрбол: Армысыздар, құрметті ата-аналар, қонақтар және қымбатты бүлдіршіндері ! Бүгінгі Жаңа жыл мерекесіне арналған мерекелік кешімізге қош келдіңіздер!

Айқарагөз: Бүгін сізге жырдан алқа
тағайын,

Шат күлкіге толы болсын маңайың.

Исмаил: Көргендер де көрмегенде арманда

Жаңа жылың құтты болсын ағайын.

Айзере: Іңкәр, білесің бе, мен кеше ерекше түс көрдім.

Лунара: Жооқ, ол қандай түс екен?

Бауыржан: Түсімде Аяз ата мен Ақшақар біздің мерекелік кешімізге жолға шыққалы жатыр екен. Ал олардың жанында сыйлықтарды әзірлеп ергежейлілер жүрді. Өзің көріп тұрғандай ортамызға

ергежейлілер келді. Мүмкін Аяз ата мен Ақшақарда келіп қалған шығар?!

Амина: Олай болса, Аяз ата мен Ақшақарды ортаға шақырайық!!!

(Музыкамен Аяз ата мен Ақшақар кіреді)

Аяз ата:

Қандай жарқын жүздерің,

Қандай әсем жырларың.

Асулармен алысқан

Аталарың сендерге

Шаршап келді алыстан.

Сыңғырлашы сырнайым,

Жаңа жылды жырлайын.

Шашбаулы қыз сырғалы,

Ақша қарды тыңдайық.

Ақшақар:

Амансыздар ма, балалар, қонақтар, ата-аналар! Өздеріңді сағынып келдік, Жаңа жылдарыңыз құтты болсын. Өтіп кеткен тышқан жылына аман-есен саулық тілеп, келер жылымыз Сиыр жылына табыс, береке, бірлік әкелсін, тарихи жыл болсын деймін.

Хор: «Кел, Жаңа жыл»

Аяз ата: Балалар біз алыс жолдан арнайы сендердің жаңа жылдық кештеріне келдік, сендердің мерекеге арналған көңілді әндеріңді тыңдағымыз келіп тұр. Бірақ, ...шыршамыз көңілсіз ғой, қане менің сиқырлы таяғымның көмегімен, сендердің әдемі сөздеріңмен шамын жағайық!

Барлығы: Куант, бізді, таңырқат

Шамдарыңды жарқырат! **(Дайындау Би:** «Көңілді ергежейлілер»

Айзере: Аяз ата біздің балалардың бойында өнерлері көп!

Жаңа жыл жаңа жыл

Қош келдің тағы да

Дайындап жаңа жыр

Біз күттік тағы да

Би: «Көңілді ергежейлілер»

Балалардың жыр шумақтарын қабыл алыңыздар!

Нұрбол: О, алақай, Аяз ата,

Келе жатыр алыстан!

Құтты болсын, құтты болсын

Құтты болсын жаңа жыл!

Айханша:Тауда туып

Тауда өсіп

Шырша келді ортаға

Қандай әсем шыршамыз

Ән шырқайық баршамыз.

Хадия:

Келді, келді жаңа жыл

Қуанып қарсы ала біл

Аяз ата сыйлығын

Алайық айтып жаңа жыр

Ибрахим:

Дөңгеленіп тұрайық,

Ойын сауық құрайық.

Ән шашуы шашылсын,

Жаңа жылға лайық!

Сикирлы әуен қосылып, залдың шамдары өшеді. Залдың шамдары қайта қосылады. Залға Мұз ханшайымы кіріп келеді.

Мұз ханшайымы: Мен Мұз ханшайымымын, ұлы сиқыршы мен болам. Мен сендердің дауыстарыңды естіп осында келдім. Мұнда не шу, не жиын? Дереу барлығын тоқтатыңдар!

Исмаил: Сәлеметсіз бе! Біз Жаңа жыл мерекесін тойлап жатырмыз!

Мұз ханшайымы: Жаңа жылды менсіз тойлап жатыр екенсіңдер ғой?! Олай болса мен сендердің мерекелеріңнің шырқын бұзамын. Барлықтарыңды мұзға айналдырамын. Ха-ха-ха!

Балалар: ЖО-ЖО-ЖОҚ!

Бауыржан: Мұз ханшайымы, оданда сіз біздің мерекелік кешіміздің қонағы

болсаңызшы?! **Мұз ханшайымы:** Маған сендердің кештеріңнен қандай пайда бар? Мен көңіл көтергенді ұнатпаймын. Барлығы менен қорқып қашып кетеді.

Ақкенже: Біз сізден қорықпаймыз, керісінше көңіліңді көтергіміз келеді. Олай болса біздің әнімізді қабыл алыңыздар!

Хор: «Жаңа жыл»

Мұз ханшайымы: Ой, балалар, керемет, сендер менің көңілімді көтеріп тастадыңдар ғой, сендерге рахмет. Мен енді зұлым істерімді жасамаймын. Ешбір зиянымды тигізбеймін. Менде сендермен бірге жаңа жылдық кешке қатысып көңіл көтергім келеді, сендер келісесіңдер ме?!

Балалар: Әрине келісеміз!

Дайындау Би: «Шырша ойыншықтары»

Аяна:

Әнші де құс үні бар,

Кірсең кештің сәні бар.

Салайықшы шарықтап.

Жаңа жылдың әніне

Ал ағайын тұрмайық

Жаңа жылды жырлайық.

Би: «Шырша ойыншықтары»

Хор: «Жаңа жаңа жыл»

Мұз ханшайымымен қоштасу

Аяз ата сөзі: Балалар! Жарайсыңдар! Өте өнерлі екенсіңдер! Енді менің сендерге аркалап келген мерекелік сыйлықтарымызды қабыл алыңдар! Алда келе жатқан 2023 жыл берекелі, ырысты жыл болсын! Жаңа жылда жолыққанша сау болыңдар!

Нұрбол: Құрметті ата-аналар, қонақтар Жаңа жыл мерекесіне арналған «Қош келдің, жаңа жыл!» атты кешіміз осымен аяқталды!!!

Айқарагөз: Келесі кездескенше қош сау болыңыздар!



«Аяулы анашым!» атты ертеңгілік сценарий

Ортаға балалар жүрекшемен кіреді.

Бауыржан:

«Бар жақсылық күллі әлемге тараған

Аналардың ақ нұрынан жаралған

Құтты болсын мерекеміз бүгінгі,

Ардақты аналарымызға арналған

— дей отырып қадырлі аналар, ардақты әжелер сіздерді көктеммен күлімдей келген халықаралық әйелдер мерекесімен шын жүректен құттықтаймыз.

Нұрбол:

Аналарды сүйеміз!

Сөзін ойға түйеміз.

Әрқашан біз ардақтап,

Әжеге бас иеміз!

Сенен өскен балалар-

Батырлар мен даналар.

Құттықтаймыз мейраммен

Құрметті апа, аналар!

Тақпақтар

Исмаил:

Жылылықтан жаралған,

Құшағы оның таң мекен

Менің айдай анамнан

Асқан сұлу бар мекен.

Лунара:

Бізді өсірген баптаған

Жақсы болсаң шаттанған

Алтыным деп мақтаған

Айналайын ақ мамам!

Айқарагөз:

Жүзімізге қараңыз

Бала күлкі баламыз

Бізге қымбат күншуақ

Бізге қымбат анамыз

Амина:

Теңдесі жоқ данасың,

Арқа тұтар панасың.

Еңбегінді ақтаймын,

Аман болшы анашым!

Ақкенже:

Айналайын ақ мамам.

Балапанын мақтаған

Анам барда әрдайым,

Қуанамын шаттанам.

«Апатайым анашым» әні

Тәрбиеші : Құрметті біздің әжелер мен аналар бүгін біз мерекеде сіздерді демалу үшін шақырдық. Айтыңыздаршы құрметті аналар сіздер үйде демаласыздар ма?

Білесіздер ме біз бұл сұрақты балаларға қойып көргенбіз, тыңдайықшы олар не деп айтар екен.

Соңғы сұрақтардың нәтижесінде аналарымыз теледидар көріп демалғанды жақсы көреді екен.

Сіздердің жұмыстарыңыз қиын, үй тазалау, тамақ жасау, кір жуу, балаларды мектепке апару бірақ сіздер өздеріңіздің сүйікті телебағдарламаларыңызды көруді ұмытпайсыздар. Иә, ендеше, біздің балалар сіздерге қажетті бағдарламалар дайындап қойған сияқты. Телеэкран алдына жақындап, күшті көңіл-күймен бағдарламаны тамашалауыңызды сұраймыз.

Көзайым:

1. Сегізінші наурызға,
Сыйлаймыз деп сыйлықты
Анамызға іздедік:
Әтірме, помадама, Каробка кәмпетпе,
Әдемі откриткама, бәйшешек гүліме
Мүмкін брошка деп шештік
Барлық дүкенді араладық,
Сыйлық жоққой таңқалаларлық.

Гүлсезім:

2. Көп ойландық, сыйлықты іздедік,
Айтыңдаршы қай дүкенді көрмедік. Иә, иә, иә
Джакузиге ақша жоқ,
Турцияға да билет ала алмадық,
Мерседеске әкем ақша бермеді,
Не сыйлаймыз аналарға біз енді.

Барлығы: Даярлық телеарнасына билет.

Жүргізуші: Бүгін тек сіздер үшін В.И.Пацаев атындағы №2 мектептің «Мектепалды сыныбы» Телеарнасы жұмыс жасайды.

Мерекелік бағдарламамызда «Анамыздың мейрімді жүрегі» және оның жүргізушісі:

Көзайым:

Сіздерден өскен балалар

Батырлар мен даналар

Мерекені бастайық

Құрметті аналар!

Теледидар қосайық,

Әсем әуен көңіл күймен

Балалар биін тамашалайық!

«Қазақ» биі

Нұрбол: Сіздермен «Бала жүрегі» бағдарламасының жүргізушісі: Бақытбек Рахымжан Біздің сүйікті, асыл аналарымыз, көктем көзін сіздермен бірге мейрімді етіп ашуда, Сіздердің мейрімдеріңіз жүрек жылытады. Бүгін сіздерді меркелік бағдарламадан «Мектепалды» тобының

тәрбиеленушілері құттықтауда, қазір тікелей эфирден олардың құттықтауларын қабыл алыңыздар.

«Тікелей эфир» видео корсетілім.

Ақкенже:

Эфирде «Сен сұлу» бағдарламасы оның жүргізушісі Исмаил

Мерекеде бүгінгі, Бреттегі көйлекті,

Парижский модамен үлгі етіп киеміз,

Бізді ең сұлу, әдемі, пренцесса деңіз.

Өспей жатып біздің қыздар

Теребует модалар

Ұйқтағанша сәнденіп,

тобымызда әндетіп,

Бір – бірінің шашын тарап,

Тұрады күні бойы айнаға қарап.

Тәрбиеші:

Мінекей көктемде келіп қалды, біздің аналарымызға киімдерін ауыстыру керек. Біз қазір 2022 жылғы жаңа тенденциялық молаларды назарларыңызға ұсына отырып көрсетеміз.

1 Модель. Ана- үйбикесі: Қажетті атрибут ол әдемі – алжапқыш, осы алжапқыш аналарымызға жақсы көңіл күй келтіре тырып, дәмді ас дайындауға мүмкіндік береді. Басына киетін баскиімі, әдемі, сәнді.

2 Модель. Бұл сәнді киім әжелелерімізге көбірек жақын, олар немелерімен қыдырғанда үстіне жеңіл спартивка, аяғы адидас красовкасын киіп алса, қартаюдан құтылады және арықтауға көмектеседі.

3 Модель: Әжемізгеде, анамызға да және барлық экзотикалық елдерге демалғысы келген кісілерге арналған. Жеңіл шорты- фигураларыңыздың әдемілігін, ашық түсті футболка – экзотикалық табиғат суретінмен таң қалдырады, шляпа мен көзілдірік күн сәулесінен қорғайды.

Ал енді сіздер Турцияд, дубайда дем алып шаршасаңыздар, сырты қалалалық вилла немесе дачада дем алатын болсаңыздар келесі модельімізді шақырайық..

Келесі Моделімізге ду қол шапалақ.

Міне бітті модный паказ,
Анамыз үшін көрсеттік біраз
Егер сұрақтар бар болса
Біз жауабын береміз.
Модница етіп жібереміз.

Хор: «Ақ мамам»

Би: «Кір жуу»

Исмаил:

1. Келесі бағдарламамыз «Дастархан»
«Дастархан » бағдарламасын бастаймыз,
Балаларға арналған рецептен қашпаймыз
Аналарым жақындаш
Рецепт жазып тастаймыз.

2. Егер уйде жалғыз қалсаң
Келеді саған көмекке
«Батыл аспаз» қонаққа
Келіп сені ойнатады
қазанға ас қайнатады.
«Аспаздар » биі
Бала:Барша ана құтты болсын мекенің
Әрқашан ана Сізбен беркеміз,
Ақтасақ ақ сүтінді асыл анам,
Сонда біз кісілікке теңесеміз.
Деменің біз өнерді аяп қалды.
Мезгілде біраз жерге таяп қалды
Қош болып тұрыңыздар көріскенше
Осымен бағдарламамыз аяқталды.





Тақырыбы: «Армысың аз - наурыз !»

Мақсаты: Әз Наурыз еңсесі биік елдіктің, іргесі сөгілмес бірліктің, ынтымақ пен ырыстың мерекесі екендігін және қазақ халқының шығармашылық дәстүрлері, ауыз әдебиетінің мұраларымен таныстырып, олардың тарихи маңызын түсіндіру. Халқымыздың салт-дәстүрлерін дәріптеу арқылы оқушыларды еліне, жеріне деген сүйіспеншілікке, адамгершілікке тәрбиелеу.

1. Ұлыстың ұлы күні – Наурыз мерекесі туралы білімдерін тереңдету.
2. Ауызекі сөйлеу арқылы оқушылардың дүние танымын кеңейту.
3. Оқушыларды елін сүйуге, дәстүрлі мерекелерді құрметтей білуге, бойларына адамгершілік жақсы қасиеттерді сіңіре білуге тәрбиелеу.

Көрнекілік құралдар: плакат, шар, Интербелсенді тақта, Наурыз мерекесі туралы қанатты сөздер.

Пәнаралық байланыс: музыка, көркем әдебиет

Сабақтың барысы

Мұғалім сөзі:

I. Кіріспе сөз:

Құрметті қонақтар және ұландар!

Осы бүгінгі жиналып отырғанымыз көктем мезгіліндегі қазақтың ұлы мейрамы Наурыз - яғни Жаңа жыл! Наурыз айының 22 - інде күн мен түн теңеледі. Адамдар бір - бірін мерекемен құттықтайды. Жеті түрлі тағамнан наурыз көже пісіреді. Үлкен кісілер ақ тілек айтып, бата береді.

Осы қуанышты күн, жаңа жылдарыңыз құтты болсын халайық. Ұлыстың Ұлы күні аталған Наурызда еңбектеріңіз өнімді, тілектеріңіз қабыл боп, ескі ауыртпалықтарыңыз ескі жылда кетіп, жаңа жылда жаңа үміт, жаңа тіршілікпен, осы Ұлыстың Ұлы күнінде елімізге, жерімізге Наурызымыз есігін қуанышпен ашсын. Әр шаңыраққа береке, бірлік, мәртебе келсін! Барлық жақсы ниет - тілектеріңіз қабыл болсын!

Баяндама " Наурыз мерекесінің қысқаша тарихы"

оқитын ұлан Қаржаубай Нұрбол

Наурыз – көнеден келе жатқан мейрам. Күні бүгінге дейін жер шарындағы көптеген халықтардың дәстүрлі мейрамына айналған.

«Наурыз» сөзі – біріншіден, «жаңа күн», дегенді білдіреді, екіншіден, аспан денелері өздерінің бастапқы нүктелеріне келіп, күн мен түн теңеледі, сондықтан жаңа жыл ретінде тойланатын думанды халықтық мейрам, үшіншіден, ай аты.

Барлық бастама, ұлы істі ырымдап халық осы күні бастаған. Сол себепті бұл күнді «Ұлы істің ұлы күні, яғни Ұлыстың ұлы күні» деп атаған. Наурыз – бақыттың бастамасы, жақсылықтың жаршысы, өмірге нұр сыйлаған, сезімге гүл сыйлаған, халық қастерлейтін күн.

2-ұлан: Наурыз мейрамы негізінен адамдардың көрісуінен басталған. Жігіттер төңіректегі бұлақтардың көзін ашып, бұлақ басына тал еккен. Жаңа шыққан күнге иіліп сәлем берген. Ренжіскен адамдар татуласқан.

«Амал келді. Жыл келді»

Жыл басында Нұр жауған түн – Қызыр түн;

Жыл басының алғашқы суы – Қарғын;

Жыл басының қары – Ақша қар, Құс қанаты;

Жыл басының алғашқы күні – Ұлыстың ұлы күні - Ұлыс күн;

Жыл басының алғашқы желі – Жыл айналып жеткен Алтынкүрек;
Жыл басының алғашқы төлі – Дүбіраяқ;
Жыл басының бірінші сүті – Уыз;
Жыл басының бірінші құсы – Жылқышы торғай, Нәуірзек;
Жыл басының бірінші көгі – Бәйшешек, Наурызшешек;
Жыл басының бірінші асы – Жер асы – Наурыз көже, Көп көже;
Жыл басының бірінші тілегі – “Ауызды ақтан айырмасын, қызылды уақтылы көрсетсін”;
Жыл басының бірінші құттықтау сөзі – “Жасың құтты болсын!”;
Жыл басының бірінші белгісі – Көрісу;
Жыл басының бірінші сәлемі – “Ұлыс бақты болсын!
- Төрт түлік ақты болсын!
- Ұлыс береке берсін!
- Пәле - жала жерге енсін!”;
Жыл басының бірінші нысаны – Самалық айту
Жыл басының бірінші сый тағамы - “Ұйқыашар”
Жыл басының алғашқы сыйлықтары – “Діреткізер”, “Селтеткізер”.

Мұғалім: Бұдан кейін халық мейрамды бастап кеткен екен. Мерекенің берекесі «Ас». Бұл күнгі негізгі тамақ «Наурыз көже» болған. Осы қасиетті тағамымыз жайлы кім айтып береді?

3-ұлан

Жеті түрлі дәмнен: соғымнан қалған ет, қойдың басы, сүт, тұз, сүзілген құрт, бидай (тары, күріш), пияз және сәбізден қазан толы наурыз көже пісірілген.

Жеті түрлі дәмнен пісірілген наурыз көже Алланың Көктегі Нұрын кемелдендірген. Жеті дарияның белгісі іспеттес. О бастағы түсінік бойынша наурыз көжеден дәм татқан кісі Көктегі жеті даналықтың дариясынан да сусындайтын секілді. Сол себепті наурыз көжені үйме - үйді аралап жүріп ішкен. Ғарыштағы Жеті дарияны қазақ елі о баста «Жеті қазына» деп атаған болуы керек.

Жеті дарияның таңбасы:

Аспан әлемінде – Жеті қат көк.

Төменгі әлемде – Жеті қат жер.

Ортаңғы әлемде – Жеті түс.

Саз әлемінде – Жеті дыбыс, т. с. с.

Күн мен Түн теңелген сәтте Алланың Нұры Жер әлеміне жеткенше Жеті қат көкті шарлап өтеді.

Күн сәулесі жер шарының шығыс бөлігінен таңғы сағат 6 - да себездеп атқан кезде біздің өмірімізде бұл сәт 21 наурыздың түні, 22 наурыздың таңғы сағат 03. 00 - ке тұспа - тұс келген. Сондықтан да қазақ халқы жаңа жылды 22 наурыздың таңғы сағат 03. 00 - де қарсы алған. Ата - бабамыздың нанымы бойынша көктен жауған Нұр жерге Қызыр баба кейпінде түскен. Әдетте халқымыз Қызыр бабаны «Саумалық» айтумен қарсы алған.

Мұғалім сөзі:

Тарқалмасын Ұлы Наурыз мейрамы,

Тойға ұлассын қазағымның тойлары!

Әр жыл сайын ән мен жырға бөленсін,

Ұлыс күні Ұлы Отанның аймағы! –дей отыра бүгінгі "Армысың, Әз Наурыз" атты сынып сағатымызды аяқтаймыз ! Көңіл қойып тыңдағандарыңызға көп-көп рахмет!





Сабақтың тақырыбы: Бейбіт ел-бақытты бала.

Сабақтың мақсаты: «ынтымақ» ұғымының адамгершілік құндылық ретіндегі мәнін ашу.

Міндеттері:

- ынтымақ, бірлік ұғымы туралы түсініктерін кеңейту;
- достық қарым - қатынастарын нығайту;
- татулықта, бірлікте, бейбітшілікте өмір сүруге тәрбиелеу.

Шаттық шеңбері:

Тәрбиеші: Балалар, қане «Шаттық шеңберіне» тұра қояйық.

«Қазақстан - ортақ үйіміз» өлеңін айтайық.

Тілейміз – бейбіт күн

Сары, ақпыз, қарамыз,

Бәріміз де баламыз.

Бір қалада тұрамыз,

Бір мектепке барамыз,

Біз балдырған тең басқан.

Дос құшағын елге ашқан.

Тілегіміз - бейбіт күн,

Ашық болсын кең аспан.

Әңгімелеу:

Тәрбиеші: Мен сендерге, балалар «Тас пен арбакештер» деген әңгіме оқып берейін. Мұқият тыңдап отырамыз.

Тас пен арбакештер

Бір күні тауда алай - дүлей дауыл соғып, найзағай жарқылдап, шелектеп жаңбыр төкті. Осындай дүлей желден тастың бір кесегі тау соқпағына құлап түсіп, жолды бөгеп қалды.

Ертесінде жарқырап күн шықты. Жолдан екі арба көрінді. Бұл қалаға тұз бен қарамайға кетіп бара жатқан дүкенші еді. Ол жолда жатқан тасқа жақындап, итеріп көріп еді, орнынан қозғалта алмады.

- Қандай, үлкен кесек! Мынаны орнынан қозғалту мүмкін емес. Бәлкім, менен де күштірек біреу келіп, төменге лақтырып тастар, күте тұрайын.

Бірі уақыт өткеннен кейін арбамен келе жатқан отыншы көрінді. Олда тасқа келіп, ары - бері итеріп көріп еді, орнынан қозғалта алмады.

- Енді не істейсің, күте тұрайық, мүмкін бізден де күшті біреу келіп, жолды тазартар.

Уақыт зуылдап өте берді. Жолда арбакештер бірінен соң бірі келіп, үлкен керуен болып қалды.

Топтанған адамдар шуылдап, тасты қозғалта алмады. Бір кезде қолында таяғы бар, жаяу қарт адам көрінді. Ол арбакештермен амандасып, жөн сұрады.

- Сендер неге өтпей тұрсыңдар?- деді қария.

- Қалай өтеміз?

- Ақылмен.

- Бұған ақылдың не қажеті бар?- деді арбакештер ашуланып.

- біз қанша әуреленсек те, ешқайсымыз тасты қозғай алмадық.

- Ал сендер тасты бәрің бірігіп, қозғап көрдіңдер ме?

- Расында да! Қане, жігіттер, бәріміз бірігіп итеріп жіберейікші!

Арбакештер бәрі бірігіп, жиналып тасты төменге итеріп жіберді. Дәу тас гүрс етіп, төменге құлап түсті. Жол босап, арбакештер ары қарай жүре бастады.

Сұрақ: Қалай ойлайсыңдар, балалар арбакештер неге тасты өздері итеріп жібермеді. Оларға не жетпеді?

Тәрбиешінің толықтыруы: Арбакештер алғашқыда тосылып тұрып қалды. Олар бір - бірлеп тасты итере алмады. Сол кезде оларға ақылды қария көмекке келді. Қарияның ақылының арқасында олар тасты төменге итеріп жіберіп жолды тазартты.

Міне, балалар ауызбірліктің арқасында үлкеннің ақылын тыңдағаннан, олар бірігіп, жұмыла көтеріп тасты ап тастады.. «Жұмыла көтерген жүк жеңіл» деген сөз осыдан қалған екен.

Қазақ ертегісі «Ырыс алды - ынтымақ»

Баяғыда бір ақылды қария болыпты, оның тоғыз ұлы бар екен. Бірақ балалары әкесінің ақылын тыңдамай, әрқайсысы өз бетінше жүріп - тұрыпты. Олардың бұл қылығын айналасындағы көршілері күлкі етеді екен. Үлкені кішісін сабайды, кішісі үлкеніне ажырая қарайды. Бірлігі жоқ тоғыз баласын қалай ақылға салам деп қария көп ойланады. Айласы таусылған қария тоғайдан бір құшақ тобылғы әкеліп, балаларын түгел шақырып алады. Сонан соң:

- Қане, балаларым, күштеріңді сынап көрейін, мына тобылғыны тобымен сындырыңдар,- дейді.

Тоғыз ұл кезектесіп күштерін сынайды. Буылған бір құшақ тобылғыны ешқайсысы сындыра алмайды, әбден титықтап шаршайды.

Қария енді тобылғының бауын шешіп:

- Енді бір - бірлеп сындырып көріңдер,- дейді.

Балалары тобылғыны сол заматта - ақ сындырып тастайды. «Міне, сындырдық»,- деп мақтанады.

Шал балаларын отырғызып қойып сөзін бастайды:

- Мен сендердің келешектеріңді ойлап қапа боламын. Дұшпандарың көп, достарың жоқ, бір - біріңе қас болсаңдар ертеңгі күні еңдерді де жаңағы тобылғы ұқсатып сындырып тастайды, жан - жаққа шашырап кетесіңдер ау деп ойлаймын депті. Ал тату болып, бір - бірінді қамқорлап, көмектесіп жүрсеңдер буылған тобылғыдай сендерді ешкімде сындыра алмайды. Ауызбірлікте болып, тату жүргендеріңді қалаймын дейді қарт. Көп ұзамай қарт дүниеден өтеді. Балалары бар тіршілік, қиыншылық өздеріне түскенін түсініп, ақылға келіп, бірлесіп тіршілік етуге көшеді. Бір - бірлеріне көмектесіп, татулықта өмір сүре бастайды. Содан соң бұлардың жағдайлары жақсарып, тұрмыстары түзеліп қалады. «Ырыс алды - ынтымақ» деген сөз осыдан қалған екен.

Сұрақ: Қарияның балалары неге буылған тобылғыны сындыра алмады?

Тәрбиешінің түсіндірмесі:

Шығармада қарияның балалары ауызбірліктері жоқ, әркімге күлкі болып, бет - бетімен кеткен еді.

Қария ойлана келіп балаларын ақылмен, бірлесіп, ынтымақта өмір сүруге шақырды. Балалары әкелерінің айтқанын тыңдап, бір - бірімен тату болып, бірлесіп еңбек етіп, әкелерінің өсиетін орындапты. Осылайша олар кездескен қиыншылықтарды жеңіп, ауызбірліктерінің арқасында жақсы жетістіктерге жетіпті. Міне, әркімге күлкі болмай, жақсы өмір сүру үшін, татулық, бірлік, бір - бірін сыйлау керек екен.

Ойын «Қазақстанда тұратын халықтар»

Балалар шеңберге тұрып, бір - біріне допты лақтыру арқылы Қазақстанда тұратын халықтарды атайды.

Әңгімелесу:

- Біз қай елде тұрамыз?

- сендердің туыстарыңның, көршілеріңнің, достарыңның арасында басқа ұлт өкілдері барма?

Тәрбиеші:

- Біздің ел – көп ұлтты мемлекет. Қазақстанда көптеген халықтар тұрады, олар бір - бірімен тату, дос бауырлардай өмір сүріп жатыр. Қазақстанды олар өз жерім, өз елім деп мақтан тұтады. Ынтымақта, бірлікте өмір сүріп жатыр. 1 - мамыр - Ынтымақ, Бейбітшілік, Бірлік күні. Ертең біз осы бірлік күнін тойлаймыз. Елімізде тұрып жатқан өзге ұлт өкілдері өздерінің салт - дәстүрлерін, ән - жырларын көрсетеді.

Президентіміз, елімізді бірлікке, ынтымаққа, бейбітшілікке, татулыққа өмір сүруге шақырады.

Сондықтан біз елімізді «Ынтымағы жарасқан ел»деп айтсақ артық айтқандық емес.

Дәйек сөз:

«Ырыс алды - ынтымақ» деген бүгінгі біздің сабағымыздың дәйек сөзі шығады, балалар.

- Ынтымақ болса, бірлік болады, бірлік бар жерде тірлік болады, балалар. Сыйластық, ынтымақ бар жерге, ырыс, береке қонады. Сондықтан да халқымыз:»Ырыс алды - ынтымақ»деп тегін айтпаған.

Дәптермен жұмыс:

Ұлт өкілдерінің ұлттық киімдерін атап, бояйды

Қорытындылау:

Тәрбиеші: балалар, біз бүгін ынтымақ, ауызбірлік, ұйымшылдық, достық туралы әңгімеледік.

Осындай татулығымыздың арқасында, достығымыздың арқасында, ауызбіршіліктің арқасында барлық мәселелерді оңай шешуге болатынын түсіндік.

Отанымыздың көп ұлтты екенін, ондағы халықтардың достығы, татулығы туралы, киімдері, салт - дәстүрлері туралы білдік.

Олай болса, балалар, бірлігіміз, ынтымағымыз жарасқан, егеменді еліміз деп айтуға әбден болады екен. Еліміз аман, жұртымыз тыныш болсын деп, бейбітшілік мәңгілік орнасын деп «Ақ көгершін»әнін айта қояйық.

Жүректен – жүрекке:

Ақ көгершін

Өлеңі: Н. Баймұхамедов

Әні: А. Жұбанов

Ақ көгершін, көгершін,

Қолқанат құс сен едің.

Бар, кезіп қайт, ел үшін.

Кең дүниенің көлемін.

Әділеттің құсы деп,

Көз алмастан жолыңнан,

Ұшырамын қолымнан.

Ел тілегін алып ұш,

Адамзаттың бағына.

Қара бұлтты жарып ұш,

Мұхиттың арғы жағына.

Көзін сенен алмайды

Ақ ниеті бар адам.

Ақ қанатың талмайды



Тақырыбы: Жеңіс күні

Мақсаты: Балаларға Ұлы Отан соғысы, жеңіс, ерлік, батырлық туралы түсінік, ұғым беру білімдерін жетілдіру. Отанды қорғауға, сүйіспеншілікпен қарауға, сүйуге, үлкенді құрметтеуге, Отан үшін шайқасқа түскен аға-апаларымыздың рухына бас июге, үлкенге- ізет, кішіге-қызмет етуге адамгершілікке тәрбиелеу. Отанын сүйуге, оны қорғауға баулу.

1-жүргізуші: Жеңіс күні 9-мамыр бүкіл дүниежүзі бойынша үлкен мейрам. Әсіресе, бұл мерекені екінші дүниежүзілік соғыстың бар ауыртпалығын өз мойнымен көтеріп, отан үшін от кешіп, соғыстың қанға бөккен домасында қайсарлықпен шайқасқан. Жеңістің туын желбіреткен, Ұлы Отан соғысының ардагерлері үшін ерекше мейрам.

Жүргізуші: Аз емес зар жылаған, етілген жан,

Аз емес өшкен өмір, төгілген қан,

Кеудеге зілді қасірет салды соғыс.

Қирады талай арман көңілге алған

Ұлы Отан соғысына қатысқан: Бауыржан Момышұлы, Мәншүк Мәметова, Әлия Молдағұлова, Мәлік Ғабдуллин, Талғат Бигелдиновт.б. және де өз жерлестерімізде бар. Осы кісілерге құрметпен бас иеміз. Ал осы бейбіт өмірге жете алмаған, ерлікпен қаза тапқан ағалармыз бен апаларымыздың рухына бас иіп еске алайық. Жеңіс туын желбіретуде қан кешіп, кеудесін оққа тосқан боздақтарымызды бір сәт үнсіздікпен еске алайық.

(1 мин үнсіздік)

Жүргізуші: 1941жылы 22 маусым күні таң шапағы жаңа ғана арайланып келе жатқан кезде елімізге қауіп төнді. Халқымыз адам айтқысыз қиын-қыстау кезеңге дұма болды. Фашистік Германия елімізге опасыздықпен басып кірді.

Ұлы отан соғысы басталды. Отанымыздың басына ауыр күндер туды.

Жеңіс оңайлықпен келген жоқ. Қанша бала жетім қалды., қанша ана жесір қалды, қаншамақыршын боздақтарымыз Отан үшін өмірін қиды. Биыл міне, сол жеңіске де 74 жыл толыпты. Қазір біздің балалардың жеңіс күніне арнап дайындаған ертеңгілігін тамашалаңыздар.

Тоғызыншы мамырда

Гүл қоям алау-қабырға

Еске алып атамды

Үн қосамын добырға

Біз Отанның бақытты баласымыз

Ертең елдің қорғаны панамыз.

Жеңіс, алақай жеңіс!

Жасасын жеңіс

Болмасын соғыс

Болмасын соғыс Болмасын

Бауыржан, Мәлік, Талғаттар

Сүйікті болып қалды аттар

Олар аттас қаншама

Сәби бар, шәірт, солдат бар

Би: «Сарбаздар»

Жүргізуші: Осы сұрапыл соғыста ер азаматтар мен біздей біздің апаларымызда өздерінің естен кетпес ерліктерін көрсетіп, Отан үшін қан майданда жараланған солдаттардың жанын сақтап өз көмектерін аяған жоқ..... соғыстың өзі өрімдей жап жас Әлия мен Мәншүк қыздарымызды ала кетті. Мәншүк 19 жасқа келгенде соғысқа аттанды. Ол пулметші, мерген болған Мәншүк ерлікпен қаза болды, ел үшін отқа түсіп, жас өмірін Отан үшін қиды.

Алаулап гүл тұрады

Туған жер құлпырады

Бейбітшілік болса

Түрленіп бақша-бағы
Тірлік те жақсарады
Бейбітшілік болса!
Үйлер де құламайды
Ешкімде жыламайды.
Бейбітшілік болса!
Балалар болады аман,
Бейбітшілік болса! –деп дана халқым тегін айтпаған.

Атамнан да сұрадым
Көкемнен де сұрадым
Ағамнан да сұрадым
Апамнан да сұрадым
Тосты бәрі құлағын,
Дұрыс десті сұрағың!
Бейбіт күні бәрі де,
Жеңіс күні шырағым
Достық бізге тым ыстық
Бірлік байлық, ырыс-құт
Жарқырасын күніміз
Жаса-жаса тыныштық!
Үйлер де құламайды
Ешкім де жыламайды
Бейбітшілік болса
Балалар болады аман
Аналар болады аман
Бейбітшілік болса
Тастар көкке атылды
Орман шулап тау құлап
Жиырма сегіз батырды
Жеңе алмады жау бірақ

Жамылды жер тұманды
Өрт імінде қалды бақ
Жиырма сегіз қыранды
Жеңе алмады жау бірақ.
Жүргізуші:

Жүргізуші: Балалар, біз аға-апаларымыз үшін қарыздарымыз. Отан үшін жанын аямай, орасан зор қайсарлық, батырлық, ерлік көрсеткен ержүрек батырларды бүгінгі күнде еске алу, ұмытпай есімдерін тарихта жаңғыртып отыру сіздердің және біздердің парызымыз!

Ешқашанда енді соғыс болмасыншы

Тек қана елге амандық бейбіт болып әрбіз күніміз береке тола берсін жылымыз биіктерге тұрсын мәңгі желбіреп көк аспанмен түстес біздің туымыз деп құрметті мекеме қызметкерлері, балалар осымен мерекелік ертеңгілігімізді аяқтаймыз!

Сау болыңыздар!

Тақырыбы: «Қош бол даярлық ! »

Мақсаты:1.Мектепалды дайындық тобыннан жыл бойы алған білімдерің, үйренген жұмыстарының нәтижесін көрсету.

2.Балалардың сөздік қорын, тілін, ой-өрісін, кенейтіп дамыту.

3.Ұжымдылыққа, ұйымшылдыққа тәрбиелеу.

к/құралдар: безендірілген зал, муз. аппаратура,шар, костюмдер.

Жүру барысы:

Құрметті ата-аналар қонақтар! Бір жыл бойы мектепалды даярлық тобында тәрбиеленіп, білім нәрімен сусындап, оң, солын танып, білім жолына қадам басқалы отырған бүлдіршіндеріміздің даярлық топпен қоштасу ертеңгілігіне қош келдіңіздер. Бүлдіршіндерімізге сәт-сапар тілей отырып, **Білім - теңіз, мектеп - кеме!»** атты ертеңгілігімізді бастауға рұқсат етіңіздер.

**Нұрлы үмітін арқалаған арқаға
Жан сәулесін таратасын баршаға
Шын пейілсін құрметімізді көрсетіп
Бүлдіршіндерді шақырымыз ортаға.**

Жүргізуші:Қоштасу тойын бастайық

Ән мен биге қостайық

Өнерімізді көрсетіп

Құрметіне бұл тойдың

Би мен шашу шашайық

«Вальс» биі

Жүргізуші:Өтті қызық көп күндер

Алты жасқа жеттіңдер

Барасындар мектепке

Бір белестен өттіңдер.- деп келесі кезекте балалардың тақпақтарына кезек береміз.

Айқарагөз:

Біз бақытты баламыз

Жетіліп ой-санамыз

Бақшамызбен қоштасып

Мектепке кетіп барамыз

Нұрбол:

Мектепке енді барамыз

Үлгілі оқушы боламыз

Жақсы оқып сабақты

Кілең бестік аламыз

Исмаил:

Қызық күндер өткіздік

Дайындықтың бағында

Көп оқыдық, көп білдік

Ел мен Отан жайында

Айзере:

Біз сабақты бастаймыз

Қайталаудан аспаймыз

Есептен де қашпаймыз

Жазуды да жазамыз

Аяна:

Тәрбие берген ұямыз

Тәртіпті бала боламыз

Дайындықпен қоштасып

Біз мектепке барамыз

Хор: «Бөбектер» әні

Ертеңгілігімізді әрі қарай жалғастырайық кезекті балалардың тақпақтарына берейік.

Ақкенже:Қуанамыз, сыйлаймыз

Қуаныштың мың гүлі

Дайындықты қимаймыз

Қоштасатын күн бүгін

Көзайым: Бұл алғашқы қадамым,
Таудай менің талабым.
Білім нәрін алуға,
Мен мектепке барамын.

Бауыржан: Мектепке ертең барамыз,
Оқимыз, сауық құрамыз.
Қашық емес арамыз,
Бақшаға келіп тұрамыз.

Айханша: Болсын кіші бойымыз,
Биікке ұшып ойымыз.
Өсіп оймен санамыз,
Өмірге жол саламыз.

Ербатыр: Қуантамыз, сыйлаймыз
Дайындықты қимаймыз.
Биік күзде мектепке
Біріншіге барамыз.

Жүргізуші: Биік күзде мектепке біріншіге барамыз - дегендей бүлдіршіндердің орындауында
Ән: «Біз мектепке барамыз»

Жүргізуші: Сендерге көп рахмет.
Көңілді өскен баламыз
Шырқатып ән де саламыз
Тойымызға сән берер
Би де билей аламыз- дей келе биші қыздарымызды ортаға шақырайық.

Би: Гүлдер

Жүргізуші: Ал балалар, сендер шаршаған шығарсыңдар, ендеше бір ойын ойнаймыз ба?

Ойын: " Тез, тұратын сандар "

Шарты: Балаларға 1-10-ға дейінгі сандар беріледі, музыка тоқтағанда бір қатарға тез тұру керек.

Жүргізуші: жарайсыңдар, балалар, өте тамаша ойнайды екенсіңдер.
Өте тамаша.

Балалар бір дыбыс естіп тұрсындарма, есік қабып жатыр.

Клоун кіреді өз тапсырмаларын балалармен ойынайды

Балалар жыл бойына қандай пәндер болды? Еске түсірейік? Сендердің өте зерек, алғыр, тапқыр екендеріңді ата - анамызға және ұстаздарымызға көрсетейік.

Ал математикада біздер не үйрендік?

1. Табақта 10 алма

Данияр алды 7 алма

Сонда қалды неше алма. $10-7=3$

2. Көлден ұшты жеті қаз

Қайтып қонды екі қаз

Қонбады оның үшеуі

Кәні кім тез жетеді $7-2=5$

3. Далада тұр екі ешкі

Қорада тұр екі ешкі

Екі ешкі мен екі ешкі

Болады бардығы неше ешкі $2+2=4$

4. Тал басында тізіліп

Он жапырақ тұр енді

Жел соқты да үзіліп

Ұшып кетті біреуі
Ізінше оның жұлқынып
Түсті тағы біреуі
Тұр әлі де ілініп
Жапырақтың нешеуі? **10-2= 8**

5. Есеп шығару

Қанша бала

Мүз айдында 7 бала

Асыр сап жүр, сырғанап

Сырғанамай екі бала

Жағалауда тұр қарап

Енді осы бар баланың

Санын айтсақ жарадың **7+2=9**

1. Тік төртбұрыштың қабырғалары нешеу? (4)

2. Бір аптада неше күн бар? (7)

3. Машинаның дөңгелектері нешеу? (4)

4. Қазір қай мезгіл? (көктем)

5. Бағдаршамда неше көз бар? (3)

6. 8 наурыз кімдердің мерекесі? (аналарымыздың)

Тіл дамыту.

Не білдік? Не үйрендік?

Мен сіздерге жұмбақтар жасырайын

1. Қабат-қабат қатталған,

Ақыл сөзбен апталған,

Парағы бар сөйлейтін,

Ол қазына өлмейтін. **«Кітап»**

2. Мен –ақ қалам, ақ қалам

Жазған сайын жоқ болам. **«Бор».**

3. Тіл жоқ өзінде, Сөзі бар ізінде. (Қаламсап)

4. Ілулі тұр кең алаң,

Керегімді мен одан,

Жазып алам көшіріп, Сүртем сосын өшіріп. **«Тақта»**

Клоун: Сауат –ашу сабағы болдама сіздерде

Ендеше кім маған әріптермен суреттегі жануарды жазып береді.

(қой, түйе, мысық, бор, ит,)

Жарайсындар, жақсы ойын ойнадық

Клоун: Бәрекелді, өте тамаша білесіндер. Осы беттен таймай болашақта елге танымал болындар.

Балалар, сендер дайындықтан алтын ұя мектепке бармас бұрын маған ант бересіндер ме?

Ол үшін біз тамаша бір ойын ойнауымыз керек. Ойынның аты: қызықты жауап **«ия, ия», «жоқ, жоқ»** деген. Мен сұрақтар қоям, сендер сұрақтың жауабына қарай иә, немесе жоқ деп жауап бересіндер.

1. Мектепке біз барамыз ба?

2. Кілең бестік аламыз ба?

3. Айтқан тілді аламыз ба?

4. Ақылды бала боламыз ба?

5. Нан жеймін деп жылаймыз ба?

6. Ертеңгісін тұрамыз ба?

7. Сабақ та отырып ұйықтаймыз ба?

8. Ойыншықтармен ойнаймыз ба?

9. Екі алғанда жылаймыз ба?

10. Оқушы біз боламыз ба?

Ал, енді Ата – аналармен де «Иә, иә» «Жоқ, жоқ» ойынын ойнайық.

1. Балаңызға әрқашан тірек сіз бе?

2. Сабақ оқып, есепке сіз жүйрік сіз бе?
3. Тамағын уақытылы бересіз бе?
4. Төзімділікке сіз әр уақытта төзесіз бе?
5. Сериал көріп жатасыз ба?
6. Ұрып, нұқып үйретуге барасыз ба?
7. Оқыту мұғалімнің жұмысы деген кері тартпа сөзді айтасыз ба?
8. Сен оқыт, мен оқытып шаршадым деп ұрысуға дайынсыз ба?
9. Балаңыз үшін балаларды соғасыз ба?
10. Бала үшін асулардан асасыз ба?

Клоун: жарайсыңдар, өте жақсы. Рахмет, балалар енді мен кетейін сабаққа дайын екенсіңдер.

Жүргізуші: Айналайын гүлдерім,

Ақ шуақты күндерім

Ерекше қызық тілдерің

Естен кетпес үндерің – дей келе өткен күнге бір оралайық. Ендеше

«**Джентельмен**» биімен джентельмен ұлдарымызды қошеметпен ортаға шақырайық.

Би: «**Джентельмен**»

Хор: «Ата-ананы тыңдайық»

Ертенгілігімізді әрі қарай жалғастырайық кезекті балалардың тақпақтарына берейік.

Гүлсезім:

Сүйген өз қыз,өз ұлын

Бөбегім деп аянбай

Мектебім өз үйім

Апай болды анамдай

Баулап, баптап өсірген

Бұзықтық етсек кешірген

Ұмытпаймыз өзінді

Ұмытпаймыз сөзінді

Лунара: Ұстазға әркім басын ию

керек, Кемеңгер, ақылшым деп білу

керек Сен бүгін керемет боп кетсең

дағы Жеткізген сол ұстаз деп білу

керек

Хадия :Жақсылар ұмытпайды ұстаздарын,

Ойлайды, олар сонымен ұшталғанын

Мәңгілікке мақтанып өтеді ұстаз.

Шәкіртінің биікке шыңқандарын.

Сумая: Биыл ғана мектептің

Табалдырығын аттадым

Әліппені қолға алып

Әріптерді жаттадым.

Алинұр: Партаға алғаш отырдым

Бұдан асқан бақыт жоқ

Оқушы болдым мінекей

Ойнауға енді уақыт жоқ.

Ибрахим:Алтынсарин атаның

Мектебінде оқимын

Ұстазымның әр сөзін

Көңіліме тоқимын

Аяжан:Жақсы оқып келемін

Сабақтан да қалмаймын

Осы өлең жолдарынн

Мектебіме арнаймын

Жүргізуші: жарайсыңдар, балалар, өте тамаша.

Дайындығым бесігім

Қайсысын айтып берейін

Қабыл алшы әнімді

Сіздерге сыйлап кетейін- дей келе біздің бүлдіршіндеріміздің әсем әнін қарсы алыңыздар.

Сержанова Айбикеннің орындауында «**Оқуда өзат боламын**» әнімен

Ән: «Ұстазым»

Тәрбиеші: Айналайын, балғындар,

Алға бағыт алдыңдар.

Ертең өсіп толыңдар,

Ел мақтаны болыңдар!

Орындалсын ойларың,

Ашық болсын жолдарың

Қош,балалар,сәт сапар,

Үлгілі бәрің болыңдар

Жақсы оқып әрқашан,

Тек 5-тікті алыңдар –дей отырып, бүгінгі «Білім-теңіз, мектеп- кеме!» атты ертеңгілік кешімізді жабық деп жариялаймыз.

